



**Raha sanatria tsy manam-bola ny fivondronana, dia anjaran'ny Komity mpiahy no mihetsika, mety hamoaka am-paosy mihinsy aza izy ireo raha sitrany izany,
Tsarovy fa TSY rafitra MAMPITADY ka MITANTAM-BOLA tsy akory ny Komity mpiahy, fa rafitra MPITADY ka MITANTAM-BOLA
Mety hisy fivondronana tsy manana komity mpiahy, kanefa mizotra tsara ihany, raha manana ny ampy ny tinaiza rehetra.**

NY LASY – NY FILASIANA – NY LASY – NY FILASIANA

A - Mialoha ny lasy:

1. Anjaran'ny ZK na ny Tonia, arakaraky ny sehatra no manomana ny lasy; (oh lasy lehibe); ny fifidianana ny toerana hilasiana dia azo ifampirerana tsara amin'ny RAM, kanefa ny ZK no tompon'ny teny amin'ny maha “mety @ lasy skoto” ny toerana na tsia, ny fotoana handehanana hilasy ihany koa dia azo ifampirerana 2 volana mialoha farafahatarany, (matetika dia hita ao amin'ny programa telovolana io daty io, ka raha tsy milaza ny heviny ao anatin'ny 1 volana eo ho eo ny komity, dia ny zoky no manapaka ny daty hanaovana ny lasy. Ny faharetan'ny lasy moa dia anjaran'ny ZK no mandanjalanja azy.

2. Anjara asan'ny Komity (KP):

Rehefa voalazan'ny ekipa mpanabe @ komity mpiahy (KP) fa hanao lasy lehibe ny skoto dia anjaran'ny Tonia miaraka amin'ny KP no miantso fivorian'ny RAD, na koa mandefa taratasy filazana fampandrenesana any @ RAD, Manambara a min'izy ireo ny andinindininy tokony hiomanany @ fandefasana ny zanany hilasy (tokony ho hita ao ny: Toerana hilasiana, ny Daty, ny vola sy fitaovana ilaina hoentiny ny zanany sns)

3. Ny anjara asan'ny Zk sy ny Tonia:

Mamarana ny fanomanana ireo tinaiza @ lafiny moraly sy teknika izy mba hiatrehany ny lasy, Anjaran'ny ZK ihany koa no manao ny fisafoana (prècamp) ny toerana hilasiana, Izy ireo no manaramaso ny toerana hilasiana, raha mety “hilasiana” tokoa izany toerana izany na tsia.

Ny fanaovana ny taratasy sy ny fahazoandalana ara-panjakana dia azo angatahana fanampiana @ RAD raha ilaina. Kanefa tsy maintsy mandeha “mijery maso” ny toerana ny Zk hitarika ny lasy.

Fanamarihana:

Ny filazana fa hilasy dia tsy maintsy atao @ fiangonana, 1 volana na farafahatarany 15 andro mialoha ny lasy lehibe. (Ny Tonia no tomponandraikitra @ io serasera io, tsara koa anefa raha manotrana azy amin'izany ny Komity Mpiahy, ho fanentanana ny RAD)

Raha tsorina izany, dia tsy tokony hanahirana ny komity mpiahy mihintsy ny ZK @ fanomanana ny lasy hafa tsy ny fanentanana ny RAD sy ny fiantohana ny fanaovana prècamp fotsiny ihany

“Tokony mahavita manomana lasy tsara nyTonia sy ny ZK raha sanatria tsy misy aza ny fanampian'ny KM, raha saran-dalana no olana, mitadiava vaha olana hafa, raha tsy mahita? Ovay ny toerana sao lavitra loatra”

.B- Ny Programan'ny lasy:

- Ny ZK no MAMOLAVOLA ireo programam-panabeazana hotanterahina any an-dasy, (nianarany izany)
- Anjaran'ny Filoha isan-tsampana ny mandanjalanja sy MITSARA ny programa na mifanaraka amin'ny fanabeazana na tsia, mety hisy fanovana atao raha tsapan'ny Filoha fa ilaina izany. (satria izy ireo no nampianatra azy)

- ASEHO ny komity mpiahy ny programa rehefa avy nahazo ny fankatoavana avy amin'ny Filoha ho fampahafantarana azy ireo fa scoutisme no ataon'ireo zanany any, ary misy fandaminana sy lamina mialoha ny lasy izay hatao, ary dia OMENA dika mitovy izy !

C- Ny fandaminana any an-dasy:

- **Eo ampiangana** dia efa angonin'ny ZK ny saran-dasy (vola rehetra) manana firaketana momba izany izy, ary dia afaka sahady manao ny fividianana ireo “vatsy ilaina rehetra”, anjaran'ny ZK avy eo ny mikarakara ny fiaingana rehetra, toy ny fandaminana ny entana, ny olona sns...
- **Ny filohan'ny lasy:**
 - Misy filoha mpitarika ny lasy; izy ilay antsoina hoe “filohan'ny lasy”, Zoky amperin'asa ao amin'ny fivondronana na faritra misy ny “mpilasy” izy, notendren'ny Tonia, na koa nifanarahan'ireo Tonia ho filohan'ny lasy,
 - Raha tsy misy filohan'ny lasy dia ny Tonia (na ny Tonia mpanampy, na koa izay Zoky manana ny ambaratonga ambony indrindra) no mizaka avy hatrany ny maha “filohan'ny lasy” ; afaka manana mpanampy azy koa anefa ny filohan'ny lasy.

➤ Ny andraikitra ny filohan'ny lasy:

- Ny filohan'ny lasy no tompon'andraikitra (Responsable) voalohany @ lasy, manara-maso, manentana, mandrindra ny filasiana sy ny mpilasy rehetra izy (Ny RAD tonga milasy koa dia isan'ny mpilasy)
- Ny filohan'ny lasy no mandray sy mizaka ny fanapahan-kevitra “lehibe” rehetra raha ilaina izany, (Aza hadino fa tsy izay lanin'ny be sy ny maro akory no fomba fiasa eto; fa “andraikitra iray = olona iray” ; izy irery no tompon'andraikitra amin'ny “tranga” rehetra any an-dasy. Mila valiny mahafa-po ilay teny hoe “Iza no mano Inona” (**Qui fait quoi?**) fa tsy azo atao safobe sy demokarasia ny fanapahan-kevitra mandritra ny filasiana, azony atao anefa ny mangataka ny hevitra ny zoky rehetra mandritra ny lasy. Ny Zoky dia mpiaramiasa sy fitaovana eo ampelatanan'ny filohan'ny lasy ahatanteraka tsara ny lasy.

➤ Ny vahiny sy ireo mpitsidika ny Lasy:

- Antsoina hoe vahinin'ny lasy avokoa ireo tsy skoto amperin'asa rehetra tonga any an-dasy (toy ny RAD, ny KP , ny olompiangonana, sns..)
- Manana zo hanaraka ny lasy ny KP , ny RAD tsotra kosa dia mila fankatoavana avy any @ KP izy ireo vao afaka milasy,
- Araka izany dia tsy ny olona rehetra akory dia afaka hilasy na hitsidika ny lasy avokoa, mila olona “azo antoka” vao afaka miditra ny faritry ny lasy (azo antoka amin'ny toe-tsaina, toe-po, fitondran-tena, toe-batana sns)
- Io fepetra io dia mila dinihina sy hajaina, fandrao miteraka loza , na fikorontanan'ny lasy

ny fidiran'ny olona “tsy skoto” @ faritry ny lasy.

- Noho izany dia manana ny FARITRA AZY MANOKANA na vala manokana ny KP hiarahany amin'ny RAD rehefa any an-dasy, tsy mifampiditra amin'ny valan'ny mpilasy hafa mihintsy izy ireo , ary samy voafehin'ny fitsipiky ny lasy, tahaka ny vondron'olona mpilasy rehetra ; manana ny lakoziyany manokana, ny toerana fandriany, ny programany manokana (rehefa hivoaka ny faritry ny lasy anefa dia mila mampilaza ny filohan'ny lasy) , Tsy mifanerasera mivantana amin'ny Zoky na tinaiza skoto izy.